



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

Articulus I. De intellectu regulæ, nihil innovandi pendente lite.

[urn:nbn:de:hbz:466:1-73001](#)

saltem sibi eam jure dominii possidere; sic expressè L. 3. C. de jure dominii impe-
trando, §. 2.

1342. Not. 7. si bona vendantur, venditionem faciendam ibi, ubi Reus defendi potest, v. g. ubi domicilium habet, vel contraxit loco contraetatis accepto pro loco solutionis constitutæ, per L. 1. ff. de rebus autho-
rit. *Judicis possid. vel vend.* Communior porro Doctorum sententia est, post annum elapsum à missione in possessionem bonorum ex primo decreto, Reo adhuc contumace, secundum decretum esse petendum intra unum annum à lapsu prioris post decretum primum; quamvis & in hoc multum varient Authores. Ut autem dicatur, quod Judex concedat secundum decretum, co-
gnito jure Actoris, requirunt aliqui liquida-
dam probationem debiti; alii, sufficere,
probata esse probabilitatem debiti ma-
jorem oposita, præsertim, si Actor paratus
sit Reo deferre juramentum suppletori-
um, hoc ipso ei per Judicem in citatione
intimato.

1343. Not. 8. ea, quæ adusque diximus, A-

ctorem, propter contumaciam Rei, posse
mitti in possessionem bonorum, debere
intelligi, si quaestio sit de rebus pro-
fanis; non autem, si de dignitate, per-
sonatu, vel beneficio Ecclesiastico: tunc enim
missioni in possessionem non est locus,
sed proceditur ad sententiam definitivam,
vel contumax per Censuram Ecclesiasti-
cam coercetur, & parere compellitur; pri-
ma pars est ex c. unico h. t. in 6. ibi: *eum,*
qui (super dignitate, personatu, vel benefi-
cio Ecclesiastico obtainendis) *cum aliquo li-*
tigat, possessore ob partis adversa contuma-
ciam, causa rei servanda in ipsorum pos-
sessionem statutum non mittendum: ne per
hoc ad ea ingressus patere valeat vitiosus:
Sed, liceat in hoc casu (contumacis absen-
tiam, divina replente præsentia) etiam li-
te non contestata, diligenter examinato ne-
gotio, ipsum fine debito terminare. Se-
cunda vero ex c. 3. Ut lite non contest.
ibi: *sic causatalis fuerit, quod idem in pos-*
sessionem nequeat intromitti, ut juri pare-
at, per Censuram Ecclesiasticam est
contumax compellendus.

QVÆSTIO XVI.

IN TIT. XVI. UT LITE PENDENTE NIHIL IN- NOVETUR.

1344. In hoc titulo traditur regula, qualiter
lite pendente nihil sit innovandum;
cum enim dixerimus præcedente titulo,
Actorum, propter contumaciam Rei, posse
mitti in possessionem bonorum, de quibus
Reo lis mota est; & plura interim, pen-
dente lite, possent attentari, quibus in alterius
præjudicium status causæ in judicio
immutaretur, in hoc titulo ejusmodi re-
rum innovationibus cævetur.

ARTICULUS I.

*De intellectu regulæ, nihil innovandi
pendente lite.*

fuit appellatum; vel aliter non transiit ita
item judicatam. Nam citatione legitimè
factâ induci litis pendentiam, qua stante
nihil debeat innovari, ostendimus super-
rius à n. 157. ex Clement. 2. h. t. dixi: us-
quæ ad sententiam definitivam; nam litis
pendentia non tollitur per interlocutori-
am, nisi Judex pronuntiet, se incompeten-
tem; tunc enim desinit ea instantia, conse-
quenter lis apud talēm Judicem, & hinc si
alibi non est intentata, perit ipsa lis, & quæ
lite pendente prohibita fuerunt, licent;
dum nova litis pendentia inducatur; qua-
lis autem debeat esse citatio, & quot modis
inducatur litis pendentia, diximus à n. 150.
Quoniam per item intentatam, & subinde
pendentem, res evadit litigiosa, ut ostendi-
mus à n. 157. & consequenter nihil ab ul-
la partium litigantium, lite pendente, fieri
potest circa rem liti suppositam, sensus di-
cta regulæ non est aliud, quam nulli parti-

T t 2

um

1345. Ante responsionem notandum, item
censi pendente à citatione usque
ad sententiam definitivam, si ab ea non
Tom. II.

um licere quidquam circa rem litigiosam, durante lite, quod præjudicium inferret alteri in causa, circa quam in judicio litigatur. Hinc quando lis pender circa rem mobilem, ejus alienatio per emptionem, vel alium contractum non valet, ex dict. à n. 157. quod etiam procedit de rebus quoque aliis liti pendentibus, ex n. 196. ubi etiam fecus agentibus decretas jure pecenas retulimus; & limitationem, ut textus intelligatur solum de alienationibus voluntariis; non necessariis. V. dicta à n. 157.

1346.

Præter hæc not. 1. à dicta regula, quod innovatio voluntaria lite pendente non valeat, excipi casum, si res litigiosa fiat obnoxia Religioni; alienantem tamen, si scienter fecit eam alienationem in Religione, juberi reddere duplum adversæ parti; habetur L. fin. ff. de Litigiosis, ibi: rem, de qua controversia est, prohibemur in Sacrum dedicare; alioquin dupli pœnam patimur, nec immerito: ne licet eo modo du riorem Adversarii conditionem facere: Sed duplum, utrum Fisco, an Adversario prestandum sit? nihil experimur; fortassis autem magis Adversario traditus est.

1347.

Not. 2. actione institutâ in solo possessorio, possessionem fieri litigiosam; non tamen rem ipsam, seu proprietatem; hinc lite pendente super sola possessione, vendendo solum rem, seu proprietatem, non fieret innovatio lite pendente prohibita; quia super Dominio rei per intentatum duntaxat possessorum non est inducta litis penden-
tia, seu vitium litigiosi, quo stante nihil innovandum est quoad id, quo liti subjecta est; & quoniam dictum litigiosi vitium, nec coram Principe solâ supplicatione illi porrectâ (modò in ea non petatur restitu-
tio in integrum) nec coram Judge incompetente, nec per sequestrationem coram sequestrino, nec etiam compromissio in Arbitros, contrahitur, de his idem dicendum venit, quod diximus de proprietate pendente lite super sola possessione.

1348.

Cum autem ex regula superius tradita, omnis innovatio, qua lite pendente fit circa rem, secundum quod super ea litigatur, facta aliquo prædicante, causa litigiosæ, aut juri alterius partis quoad qualitatem li-
tis pendens, vel statum causæ irrita sit, & nulla (exceptis casibus in n. 1346. & se-
quenti) sequitur 1. privilegium, lite pen-

dente, impetratum in præjudicium alterius, cum quo lis mota est, subiectum esse, ac nullum; neque secundum illud causam esse definiendam, si sit impetratum nullâ mentione facta de pendentia litis; tatio sumitur ex c. dilectus filius, fin. h.t. Cùm enim Rector Ecclesiae Passevillæ controversiam haberet cum Priore, & Monachis ejusdem loci super jure novalium decimatarum, intra fines suæ Parochiæ existentium, & causa pendente coram Judicibus delegatis, Abbas, & Conventus majoris Monasterii Turon: quibus subsunt Prior, & Monachi supradicti pro se, ac membris suis obtinuerint à Sede Apostolica indulgentiam super perceptione hujusmodi decimatarum: cuius pretextu Prior & Monachi supradictas decimas sibi vindicare contendebant, licet in indulgentia dicta quæstione facta mentio non fuisset; re delata ad Honorium III. hic rescripsit mandamus, quatenus eisdem Judicibus injungatis, ut (indulgentia non obstante prædicta) in negotio ipso procedant, juxta traditam sibi formam; & sic etiam habetur in c. causam, de Testib. junctâ gloss. marg. c. dudum, de privileg. Ex facta de cisione in dicto c. dilectus, sequitur, quod lis decidenda sit secundum jura existentia tempore controversiarum; non autem secundum privilegium impetratum lite pendente, nisi de litis pendentia faciat mentionem.

Ratio autem ex eo est, ut alibi jam sape diximus, maximè lib. I. tit. de Rescript. quia Princeps non censetur dare indulgentiam, seu privilegium cum præjudicio juris alieni, præsertim possessoris; sic etiam in privilegio impetrando facienda est mentio antecedentis super ea re scederis, seu compositionis; quippe cui Princeps non facile derogare solet, c. 3. de decimis. Accedit in confirmationem, quod statutum, aut lex, de novo emanans, non se extendat ad causam litis pendens, quin potius ea decidi debet secundum jura pristina. Auth. in medio litis Sacras iussiones non fieri; sed secundum antiquas leges genera-
les lites decidi; ergo multò magis ius spe-
ciale, seu privilegium (quippe quod stric-
tiorem interpretationem meretur) ita acci-
pi debet, ut causa litis pendens non de-
rogetur. Et ideo privilegium, etiam à
Principi, lite pendente, impetratum, vi
cujus

cujus quis privatur usu possessionis sine causâ cognitione, non valet, sed tanquam subreptitium, & rationi obvium, est revocandum, ut dicitur c. à memoria nostra i. h. t. sic Alexander III. Eboracensi Archiepiscopo.

1350. Cùm enim Alexander III. ad instantiam Archiepiscopi Cantuariensis inhibitiorias literas misisset ad Archiepiscopum Eboracensem, ne Crucem ante se per totam Angliam deferri sineret: Sed Archiepiscopus allegato Apostolico privilegio, ostendisset Pontifici, se, & antecessores suos in possessione hujus gestationis haec tenus fuisse; respondit Pontifex, non obstantibus prioribus literis (quas revocatas vult) posse Archiepiscopum, & successores ejus, eam consuetudinem retinere, donec per sententiam definitivam decernatur, utrum Ecclesiæ ejus tale jus competit? Ex hoc enim Papali rescripto deducitur, quòd Princeps non facilè usum privilegii auferat, dum lis pender super validitate talis concessio-
nis privilegia, & literæ talis usus revocatoriae censeri debeant subreptitiæ; sic Lanchellot. de attent. p. 2. c. 4. à n. 10. Hinc unusquisque, lite pendente, suam possessionem continuare potest, ut tradit Farinac. fragm. criminal. p. 2. lit. J. n. 325.

ARTICULUS II.

An, & qualiter pendente lite res alienari possit?

1351. **N**on est dubium, per alienationem rei, super qualis pender, fieri quandam innovationem; procedit autem quaestio de pendente lite motu super Dominio, seu proprietate rei; nam quid dicendum de alienatione rei facta pendente lite in judicio merè possessorio? constat ex num.
1347. quo posito, Resp. quocunquè titulo facta sit alienatio rei litigiosa, eam esse prohibitam; quia per talen alienationem evadit durior conditio Adversario; & constat i. ex c. fin. 11. q. 1. ibi: *quia res in litigio posita in nullam transferri potest omnino personam, donec legitima cognitionis eventus, cui potius debeatur iudicaria disceptatione possit agnosciri, ex eadem re quis-*

piam non sinatur exigere pensiones; sed in eodem statu, re eadem posita, in quo videtur (sicut dictum est) ante constituta, quisquis sibi putat quidpiam posse competere, juridicopulse et examine, prajudiciis omnibus inde submotis, sic Gelasius Papa.

1352. Prob. 2. ex L. fin. ff. de litigiosis, ibi: *rem, de qua controversia est, prohibemur in Sacrum dedicare: alioquin dupli patimur, nec immerito: ne liceat eo modo duriorem Adversarii conditionem facere. Sed duplum utrum Fisco, an Adversario præstandum sit, nihil exprimitur; fortassis autem magis adversario: ut id veluti solarium habeat, pro eo, quod potentiori Adversario traditus est; & L. fin. C. eod. ubi Justinianus Imperator, censemus, inquit, ut si quis lite pendente, vel actiones, vel res, quas possidet, ad alium quendam transtulerit, sive scientem, sive ignorantem, vicio litigiosi contractus subjaceret. Quæstio autem est, an non tantum sit prohibita, sed etiam irrita, & nulla? Glossa in dict. c. quia res, ait alienationem rei litigiosæ esse nullam, vel saltem irritandam, quamvis esse nullam ex his relatis juribus non colligatur aperte, ut patet legenti verba textus, quæ potius insinuant, *annullandam*, ex illis verbis: *tunc irrita rei alienatione facta:* videtur tamen sufficienter colligi ex his, quæ jam præmissa, quæ tamen intelligi debent de alienatione voluntaria, non nefaria, ex n. 1345. & hic immediate sequenti; exceptio simul casu, de quo num.
1346.*

1353. Observandum præterea, Imperatorem, loquentem de hac innovatione, seu alienatione lite pendente prohibita, in ordine ad pœnam talis alienationis, facere distinctionem inter contrahentes, & statuere, ut si quis sciens, vel ad venditiones, vel ad donationes, seu ad alios contractus accelerit, cognoscat se compellendum non tantum rem redhibere, sed etiam pretio ejus privari, non ut lucro cedat ei, qui rem alienavit, sed ut etiam alia tanta quantitas ab eo filci juribus inferatur: si autem ignorans rem litigiosam emerit, vel per aliam speciem contractus eam acceperit: tunc irrita rei alienatione facta, pretium cum alia tercia parte recipiat: Rationem reddit, quia justum est, propter dolosam mentem, & absconditam machinationem, cum non emptori manifestaverit, rem in judicium